

نیمارت و زراعت نظارتی
کتبخانه سی

قهوه آغاجی

جلد ۳

درمطابت



۱۳۳۰

قهوه آغاجی

قهوه آغاجی حقنده معلومات تاریخیه

کره ارضک همان هریرنده استعمالی تعمم ایتمش اولان قهوه نك فائده و مضرتی حقنده شمدی به قدر سرد ایدیلان اقوال و مطالعاتدن صرف نظرله یالکز تاریخ ظهور و صورت تعمندن بحث ایدیه چکدر .

قهوه نك اوروپایه انتقال و انتشاری ایکی عصر مقدم واقع اولوب الیوم اوروپانك ادخالات قسمنده بر موقع مهم احراز ایشدر . بعضیلری مملکتلرینك مشاهیرندن برذاتك مسقط رأسی اولمق ادعاسنده بولندقلری کبی قهوه نك منشأ اولمق اوزره بر چوق محللر خبر ویریلیور ایسه ده اصل محل ظهوری مصر قطعه سنك جهت علیاسی ایله حبشستان و باخصوص قافا ایالتی اولسی ده ا زیاده مأمولدر .

انکایز محررلرندن بری قهوه نك ایلك دفعه اوله رق قافا ایالتی اهالی وحشیه سی طرفندن استعمال ایدلدیکنی روایت ایتشددر . فقط بونلر قهوه نی بزم بیلدیکمز صورتده استعمال ایتیموب چکر دکلرینی دوکوب توزحاله افراغ ایتدکدن صکره یاغ ایله مزج ایدره ک خیر شکلنده بیاغی غذا مقامنده قوللانیرلر ایتمش .

بوندن اکلاشلدیغی اوزره اوللری قهوه مآ کولات کبی استعمال اولنوب مشروبات صورتنده استهلاکی مؤخردر .

قهوه مصر علیا طرفلرندن عربستانه نقل اولنوب یمن ولایتیه مخا طرفلری اراضی سنك نشو و نما سنه درجه فوق العاده ده صالح بولندیغنه وبالآخره اورالرجه زراعتی بر موقع مهم احراز ایتدیکنه باقلیر ایسه اراضی مذکورده نك قهوه نك منشأ حقیقیسی اولمق اوزره تلقی ایدلسی پکده شایان تعجب کوریه مز .

اگر قهوه نك اصل تاریخ ظهوری لایقيله تعیین ایچون تفصیلاته کیریشیله جک اولسه بوکا دائر از چوق اعتماد شایان بعض روایتلردن بشقه ادله قویه بولنه مز . زیرا قهوه نك کاشنی اولمق اوزره بر قاچ کشی کوسترلمش ایسه ده بونلردن هانکیسی

اولدینی صورت قطعیهده تحقّق ایدمهامشدر . هر نه حال ایسه بز یالکز شوراسنی
ای بیلیرزکه اون النجی عصر میلادینک نهایتلرینه طوغری قاهره سوقاقلرنده
قهوه فروخته باشلامش ویکرمی بش سنه صکره قاهره شهری دروننده یالکز
قهوه تجارتنه مخصوص اوله رق ایکی بیک عدد دکان کشاد ایدلمشدر .

تقریباً ۱۵۶۰ سنه میلادیهسنده قاهره دن استانبوله کتورلمش و بر آز صکره
دخی اوروپایه نقل ایدلمشدر . اول وقت اوروپاده قهوه نك بهر قیه سی الی یوز
غروشه صالقمده ایدی .

بوصره لرده سلطنت سنیه نك پارس سفیری بولنان سلیمان اقدی فرانسه رجائه
کشیده ایلدیکی ضیافتلرده شرق اصولی اوزره قهوه لر ا کرام ایتمشدر .
فرانسه مشاهیر نسوانندن مادام (سه ونیه) ابتدالری قهوه موداسنك عدم
ترویجی فیکرنده بولنش ایسه ده بالآخره مومی الیها دخی بونك لذتی ایله لذتیاب
اولمش واستعمالنه زیاده سیله اهماك کوسترمشدر .

قهوه فرانسه ده بودرجه رغبت عمومیه یه مظهر اولدقدن صکره ۱۶۵۲ سنه
سنده انکلتراهده انتقال ایله پك آز بر زمان طرفنده لوندرده کشاد ایدی لان متعدد
قهوه خانه لر شهر مذکور میخانه لریله رقابت ایدرجه سنه مشتری جلب ایتمشلر سده
او ائشاده انکلتراه باش وکالتنده بولنان (قرومول) طرفندن مذکور قهوه خانه لر
بلا سبب قیاتدیریله رق قهوه تجارتی منع ایدلدیکنندن اهالیسی پیننده تمامیه تعمم
ایده مامش و بو ممنوعیتك تأثیریه قهوه سائر یرلرده جلب ایتدیکی رغباتی انکلتراهده
بوله مامشدر .

قهوه نك جنویزلرله وندیکیلر طرفندن بورالره قدر ادخالندن بر آز صکره
هولاندالیر الارنده بولنان بعض مستملکاتلری اقلیملریله امتزاج ایتدیره رک باخصوص
(زاوا) اطه سنده کلیتو قهوه اغاجی یتشدیرمکه موفق اولمشلر در ۱۷۱۰ سنه سنده
امستردام نباتات باغچه سنه کوندولمش واورادنده (مارتینک) جزیره سنه نقل ایدلمشدر .
بوکون آمریقا ایله آنتیل اطه لرنده بولنان کثیر المقدار قهوه اغاجلرینك منبعی جزیره

مذ کوره در. آمریقایه کتیرتدیریلان فدانلر غریب بر صورتده نقل ایدلایکندن
بو باده مختصراً بعض ایضاحات اعطاسی مناسب کورلمشدر .

پارسدن آمریقایه کوندرملک اوزره اوچ عدد قهوه فدانی پارس نباتات باغچه سی
معلملرندن (انتوان) نامنده بری طرفندن (دقلیو) نام قبودانه تودیج اولمشیدی
بولرندن ایکسی کیده صویک فدانندنشی یولده ایکن قورومش ویالکنز بری
قبودان مومی الیه کندی شربنه مخصوص اولان صویک بر قسمی اسقاسنه خصر
ایتمی کی بر فداکارلق سایه سنده سیاحتک نهایته قدر یاشایارق (آنتیل) اطله لرنده
(مارتینک) اطله سنه غرس ایدلمشدر که الیوم جزائر مذ کوره تجارتسک قسم کلیسنی
تشکیل ایدن قهوه اخراجاتی ایشته شو بر کوک فداننک تکثیریه آنتیل اطله لرینک
چوغنی قاپلامش اولان قهوه اغاچلرندن ایلرو کلشدر .

قهوه اغاچنک تعریفی

قهوه اغاچی دائماً یشیل طورر اهرام شکلنده درت بش مترو ارتفاعنده اولوب
دالیری دوکوملی وقبوغی کول رنگنه ممانلدر. یایراقلرینک اوچلری سیوری
وکنارلری دیشلی اوله رق دقنه یایراقلرینه مشابه اوزونجه بیضی الشكل قویو یشیل
بر رنگده در بیاض و خوش قوقولی چیچکلری ایسه اسپانیا یاسمنه بکزر و
یایراقلرک داله مربوط بولندیغی نقطه ده طویلی بر صورتده ظهور ایدرلر سنه ده بر
قاج آی فاصله ایل اوچ دفعه چیچک اچدیغندن قهوه اغاچلری هان متمادی کوزل
رایحه لی چیچکلر وغایت لطیف و دلربا رنگلی میوه لرله مزین بر حالده بولنورلر.

بو اغاچک میوه سی کماله ایزدیکی زمان یمورطه شکلنده قوش کرازی قدر بر
جسامت پیدا ایدر . ابتدالری یشیل ایکن کیتدجه قزارر واک صکره سیاهمی
بر رنگ کسب ایلر وقورودقندن صکره دقنه میوه سی قدر اوفالیر. بو میوه نک قسم
خارجیسنی تشکیل ایدن اتلی صارمتراق و طاتلمسی بر ماده دن صویلده بری محذب
و دیگری مستوی اولان طرفلرندن بر برینه یایشق کنارلری مشین کی سرت ایکی

عدد قېوق ميدانه چيقار بو قېوقلر ك تشكىل ايتديكى حجره جكلردن هر برينك دروننده خارجاً مخذب داخلاً مسطح واورطه سنده درينجه برچيزكى بولنان بر عدد بيلديكمز قهوه چكردكى موجوددر .

بونلر بويله جه اتلى اولان قسيميله هر دانه نك كندينه مخصوص اولان قشر صويلدقدن صكره قالان قسيمه (صافى قهوه) وا كر بو محفظه لر صويلدن تماميله قوريديله حق اولور ايسه (قېوقلى قهوه) تعبير اولنور .

يمنده عربلر قهوه قېوقلرينى قاينادوب ايجرلر سده اوروپا وسائر جهتلرده اصل قهوه چكردكى استعمال اولنور .

بوراده قهوه نك تاريخ طبيعى سندن بحث ايتمك فكرنده دكل ايسه كده قهوه اغاجنك زمره نباتاتك فن طبعه ويوياجيلقده مستعمل الك مهملرندن معدود اولان (فصيله فويه) دن اولديغى مسكوت براقق پكده مناسب دكلدر. زيرا فصيله مذكوره نك حاوى اولديغى نباتات مياننده ويوياجيلق صنعتده پك چوق ايشه يازايان (كوك بويلا) وطبعه قېوغنك كرك مقوى بردوا اولمق اوزره استعمالى وكر ك بطاقلق محللرده صيتمه يه قارشو پك زياده حس تاثيرى كوريلان (قينا قينا) كې برچوق فائده لى نباتات داخلدر

قهوه نك خصايسى

قهوه نك فعل و تاثيرى حقنده رايلىر مختلفدر . بعضيلرى مكيفاتدن يعضيلرى دخی مغدياتدن اعتبار ايدرلر .

بروقهوه سنك اونايكى ساعت قدر يالكز ياپراقلرينى چيكنمكله اكثفا اولنه بيلمسى قهوه نك مغدى اولديغى اثبات ايدر .

قهوه نك طبيحنده لازمه كلان تقيداتى لايق وجهله ايفلا ايتمك ايجون حاوى اولديغى موادك الك مهملرينى جمللاً تعداد ايتمك الزمدر .

قهوه دانه لرى تحليل ايدلده آتیده ذکر اولنان مواد كوريلور :

يوز قسمده	١٠ دن	١٣ . قدر	مواد شخميه
»	» ١٣	» ١٥	مواد آزوتيه
»	» ٦	» ٧	مواد معدنيه

قوة غذائية لرینی بشقه جه كوره جكمز اشبو مواد ازوتيه دن ماعدا قهونك جمله عصبیه اوزرينه اولان تأثيری نسبتنده اهميتی قلو ی بر ماده اصلیه وارد ركه اوده (قافین) در . اشبو ماده دنك مقداری قهوه دنك جنس نه كوره تبدل ايدر .
ممالك مختلفه قهوه لرندن بشيوز غرامنك حای اولدینی (قافین) :

غرام

١,٧٩

١,٢٦

١,٢٦

١,٢٦

١,٠٦

٠,٤٨

مارتینك قهوه سنده

» یمن

» اسکندریه

» زاوا

» قافین

» سن دومینك

(قافین) ك حیواناته برسم مهلك كبی تاثیر ایتدیكی بعضیلری طرفندن اعاده اولمقده اولوب انسانلره تاثیر ی هنوز مجهولدری . قهوه قاوورلوب پیشد كدن صكره بسبتون بشقه بر خاصه كسب ایتدیكی تخایل كیمیوی ایله ثابت اولدیغدن قهوه یی قاوورمق عملیاتنك اهمیتی بونكه ده تقدیر ایدیلاور .

قهوه دنك قوة غذائیه سی وصحته اولان تأثيری

قهوه دنك تحلیلنده دخی كورلدیكی اوزره كرك تغذیده فائده دن خالی اولمیان امله و كرك هضم طعامه اولان تاثیرات حنه سیله حاوی بولندینی مواد عطریه دن بشقه تنفسه خادم مواد شخمیه و بدنك ضایعاتی نضمین وتلافی ایدن مواد ازوتیه كبی

برچوق فائده لی شیرلی شاملدر . برلیترا صوده خاشلا نیش اولان یوز غرام قهوه ده تمام یکر می غرام مواد مغذیه خلاصه سی واردر بناء علیه قهوه نك مشروبات صورتنده استعمالیه استحصال اولتان غذا استحقاق اولته جق درجه ده دکلدر . سیاحین و بحر یونك مشاق سفریه و بحریه به تحمل ایده بیلملری ایچون قهوه آنلرجه عادتاً مالز مه سفریه نك اك قیمتلیلری حکمنه کیرمشددر .

فرائسه ده ۱۸۲۳ ده سیاحتده اولان عسا کر بحریه و حال سفرده بولتان عسا کر بریه تعیناتی صره سنه قهوه دخی ادخال ایدلمش و اوزماندیری پک بیوک محسناتی کورلمشددر . دیمک اولیور که قهوه دفع جوع ایتدیکی کبی قوای بدنیه یی دخی تزید ایدر مکر که انسانک صحت و مزاجی بونك استعمالته مساعد اولیه . هله مساوی مقدارده قهوه ایله سود قاریشیدیه جق اولور ایسه مکمل بر غذا حاصل اولور . قهوه نك قوه غذایه سندن بحث ایدلدیکی کبی اولافعل هضم ثانیاً تشکلات بدنیه اوزرینه اولان تأثیراتندن دخی بحث ایتمک لازمدر .

قهوه معدنه نك افرازات و فعالیتنی تزید ایدرک خوش بر صورتده ایقاز ایدر واکل اولتان شیئک سهولته تماماً هضمه خدمت ایدر . معتادک خلاقی اوله رق زیاده و بطی شیر اکل ایدلده فعل هضمک تماماً حصولی قهوه قدر هیچ برشی تسهیل ایده مز قهوه مسکرات و آفیونک تأثیرات مضره سنی تعدیل و تحفیف ایدر .

هرشیده اولدینی کبی بونده دخی سوء استعمالک مضر اولدینقی بیانه حاجت یوقدر ، زیرا قهوه نك چوق وصیق صیق ایچلمسندن طولای معدیه اولان تأثیری تناقص ایتدیکی کبی دیگر طرفدن دخی بویله قوتلی بر ماده نك تأثیریه انسانده بر حال عصیت ظاهر اولور چونکه قهوه معدنه بشقه جمله عصیه و باخصوص دماغی تحریک ایدر دماغه اولان تأثیری قهوه یی نادراً استعمال ایدنلرک اراصره بونی زیاده قاجیر دقلری زمان کثرت تهیج و اویقوسزلقدن شکایت ایتلری کبی حاللریله تظاهر در . ایشته بوکا مبنی در که محررین و شعرا کبی دائم مشغولیت ذهنیه ده بولتانلر قهوه ایله دماغلرینک فعالیتنی تحریک و بناء علیه قوه خیالیله لرینی توسیع ایدرلر . شبهه سز بونلر هر کسندن زیاده سوء استعماله مستعددرلر . فقط قهوه یی کثرتله استعمال ایتمک اعصابی بهوده بر تهیج دائمی ایچنده طوتمق دیمکدر .

قهوه يتشدیرن ممالك مختلفه دن وقوع بولان قهوه اخراجانی

طونیلانو	
۸۰۰۰	مخا حديدہ وعربستانك سائر اسكله لرندن
۵۵۰۰۰	زاوا اطمه سندن
۸۰۰۰	سوماترا اطمه سيله هندستانك انكلتره اداره سنده اولميان اسكله لرندن
۱۶۰۰۰۰	بره زيليان دن
۱۶۰۰۰	هائتي اطمه سندن
۷۰۰۰	كوبا وپورتوريكو اطمه لرندن
۴۰۰۰	انكلتره اداره سنده بولنان هندستان غربي دن
۳۸۰۰۰	سيلان اطمه سندن
۲۷۰۰	فرانسه اداره سنده بولنان هندستان غربي بوربون اطمه سندن
۲۹۸۰۰۰	مجموعی

ممالك مختلفه دن وقوع بولان قهوه صرفیانی

۴۵۰۰۰	ممالك شاهانه ، فرانسه ، اسپانيا ، ايتاليا وسائر
۱۶۰۰۰	بريتانيای کيرده
۴۰۰۰۰	هولاندا وفلمنكده
۶۰۰۰۰	المانيا ، روسيه وبحر بالطق كنارنده بولنان ممالك سائرده
۹۰۰۰۰	ممالك مجتمعه آمريقاد
۳۰۰۰۰	قناده و اوستراالياده
۲۹۱۰۰۰	

تجارتده ساتيلان قهوه لرك انواع مختلفه سی

قهوه زراعتيله مخرج لری جالب دقت بر درجه ده تعمیم وتزايد ايتدكجه موقع تجارتده دخی انواعی تكثير ايتمكده اولديغندن ممكن اولدينی قدر باشلوجه لری بروجه اتی درج اولتور .

رایحه‌سنگ غایت کسکین ولطیف اولمسندن ناشی الهمتبر والکابی جنس قهوه معلوم اولدینی اوزره یمن قهوه سیدر. مع التأسف بو کوزل محصول صافی اوله رق خطه یمانیه ده یالکز عسیر سنجاغنده استهلاک اولنوب خطه مذکورنک جهات سائر مسنده قبوغنی عادتاجای کبی استعمال ایدر لر و صافی قهوه‌نک قسم کلیسی اوروپایه اخراج ایدیله رک مالک شاهانده بو محصوله نادرأ تصادف اولنمقده در. یمن قهوه‌سی اوافق و یوارلاق دانلی صاریمتراق بررنکده اوزری اینجه و پارلاق برزارله محاط اولمسندن پک قولای طانیلور .

(مارتینک) قهوه‌سی دهایری و اوزونجه دانلی اولوب آجیق یشیل رنکده در (بوربون) قهوه‌سی دخی اوافق و یوارلاق دانلی یشیل‌سی اولور .
 بونلردن ماعدا یتشدیکی محل و مملکتلر ناملریله معروف (ژاوا) (سیلان) (سن دومینک) (برمزیلیا) (قانیین) (غوادلوب) (سوماترا) (زنکبار) قهوه‌سی کبی برچوق قهوه‌لر دها واردر ،
 (زنکبار) قهوه‌سی کرک شکل ورنکجه و کرک رایحه‌جه بردرجه‌یه قدر یمن قهوه‌سینه مشابهدر .

تجارتده دوران ایدن قهوه‌لرک انواع مختلفه‌سی دانلرک اشکال خارجه‌لریله نشر ایتدکاری رایحه‌نک آز چوق کسکینلیکی و حاوی اولدقلری (قافین) تعبیر اولتان ماده مخصوصه‌نک درجه‌سیله متناسب بعض خصایصدن اربابی تزدنده بربرندن تفریق ایدیلور لر . زیرا بوماده‌نک مقداری بالاده کورلدیکی اوزره قهوه‌نک انواع غنه کوره تبدل ایدر . قهوه قبوقلرینک چیقارلمسندن جاری اولان اصول ایله بر محلدن دیکر محله صورت نقلی دخی قهوه‌نک تعداد اولسان انواع متعدده‌سی یشنده بر فرق عظیم حاصل ایدر .

دکز صوینک تأثیرندن محافظه اولنمسان قهوه‌ده کلیتلو دکز طوزی بولنور ودانه‌لری خارجاً کوف پیدا ایدر لر بو قهوه رایحه‌سینی غائب ایده ایده بوزولمش و بناءً علیه تجارتجه اولان قیمتی غائب ایتمش دیمکدر .

قهوه فیثاتنک یوکسکلکی بعض منفعتپرستلری برزماندنبری طریق حایله سوق ایتشددر . قهوه‌یه قاریشدیریلان نباتات شونلردر : هندبا ، پلاموط ، یبانی کستانه

قوش قونماز تخمی ، بغدادی ، آرپه ، چاودار ، نخود ، باقله و پتاس اوئلری .
اشبو موادك قهوهیه قاریشیدیرلمسی قهوه نك لذتیه فیئاته عائد بر مسئله
اولوب صحتجه بر مضرتلری یوقسه ده حیه کارلر بوکاده قناعت ایتیموب برقات دها
تأمین استفادہ ضمننده مستعمل قهوه تلوه سی ماثون آغاجی کرمدید توزی قورومش
بیکر اودی توزی کبی بر طاقم مضرالصحه شیلر دخی قائمده اولدقلری لوندرده
بالتحلیل ثابت اولمشدر .

اشبو مواد اکثریا توز حالده صاتیلان قهوه لره قاریشیدیرلیدغندن چی قهوه
الوب استعمال ایدلمسکه بر درجهیه قدر بودسایسه قاپلامق ممکن ايسه ده برقاچ سنه
دنبرو اونیده تقلیده موفق اولمشدر . بونك ایچون قهوه نك صنعی ویاخود مخلوط
اولوب اولمدیغنی اکلامق ایچون شبه ایدیلان توزندن بر پارچه آلوب بر بارداق
درونده بولنان صویه آتملیدر اگر خالص قهوه ايسه باتیموب کاملاً صویك یوزنده
قالیر عکس تقدیرنده بارداغك دینه چوکر . بوندن بشقه دها بر چوق اصول
تجربه وار ايسه ده بونلرك اجرایی ایچون بعض آلات و ادوات استعمالنه لزوم
کورلیدیکندن هر کسجه اجرایی ممکن دکلدیر .

قهوه اغاجی یتشیدیرلمك ایچون تخمی اولجه مخصوص بر محله زرع اولنه رق
ایوجه فیده حالی آلدقندن و آلتی ماه مرور ایلدکدن صکره بشقه جه بالخاصه
احضار ایدیلان ترلایه نقل ایله تکرار غرس اولنه جغندن تخم حالده زرعیله تکرار
غرس عملیاتی بوجه آتی بیان وایضاح اولنور :

شویله که : قهوه آغاج اوزرنده کاله کلوبده کراز کبی قزاردقده طویلانیله رق
وکول ایله اوووله رق قرمزی قبوغی چیقارلق و بیاض قبوغی اوستنده براغلق
صورتیه دانه لری تفریق وتکرار کوله وضع ایله بر آز بولادقندن صکره آتیده
بیان اولنان محل مخصوصه زرع ایدیلور .

یا دانه لری اصلادیلوب بعده زرع اولنور یاخود دانه لری قزاره رق کاله کلد کده
ینه کول ایله اووالنوب وکوله اون بش کون قدر براقیلوب اندن صکره قور .
یدیه رق زرع اولنور

تخمك محل زراعی

قهوه زرع اولسه جق محللرك حرارتی یازین نهایت اوتوز سکز سانتغراد ویشین فوق الصفر لااقل سکز سانتغراد اولمیدر . قهوه فدائلی طونه اصلا متحمل اولمیدیگی کبی یاز موسه منده ییوستلی روزکارلره دخی مقاومت ایده من حرارتی قرق سکز درجه ده اولان سواحله خرما اغاجلری اده لرنده بارینه من بناء علیه هواسی معتدل واکثریت اوزره رطوبتلی اولان وادی کنارلرنده خارجدن چیچک ساقسیرینه مخصوص اولان طوپراق جلب ایله بر صره طاش اوزرینه نهایت النهایه بر قاریش تخنده فرش اولندقدن صکره اولک اولک یاییله رق قهوه دانه دانه بورایه زرع ایدیلور وزرعی متعاقب هر اوچ بش آرشون مربع محلك اطرافنی ایکی قاریش قدر طاش ویا قازیقلا ایله یوکسلدوب اوزرینی یابراق وچالی ایله اورتهرک کونشدن محافظه ایدیلور وهر اوچ کونده برصولایه رق دائما طوپراغی رطوبتلیجه طوتملیدر .

بیوجک چیچک ساقسیرینه دخی اکلمسی قابل اولوب بو حالحده ساقسینک دلیکلی بولنسی و طوپراغک دخی بش آلتی پارمق تخنده اولمسی اوزرینک کذلک محافظه ایدلمسی اقتضا ایدر . بر ساقسی به جسماته کوره نهایت بشدن اونه قدر اکیلور . تخمک موسم زرعی ایلك بهادر .

تعریف اولنان صورتدن بشقه قهوه طاشلر اوزرینه بر قاریش تخنده فرش اولنشی ای جنسدن کیلی طوپراغه هر دانه سی ایری ایری اوله رق اون ساتیمترو درینلکنده زرع اولنور و طوپراق اوچ کونده بر صولانه جفی کبی نشو ونمایه باشلایوبده فدانی بر آرشون ارتفاع کسب ایدیجه به قدر اسقاسنه دوام اولنور و محل زرع بش آلتی آرشون وسعتده اولورسه ینه عینی عملیاتله یعنی طاش اوزرینه بالاده تعریف اولندینی وجهله ای طوپراقدن فرش اولنه وق دانه لر زرع ایدیلور و بو صورتله زرع اولنان دانه لرک قبوغی قرق ویا آلتش کونده عادی فصولیالرده اولدینی کبی یابراغی اوزرنده ظهور ایدر بو حالحده بالاده کوسترلدیکی اوزره بر بچق ایکی قاریش ارتفاعنده قونیلان طاشلر اوزرینه جالی چرپی ویا پراقلی دالرایله یاییلان

سقفه دقت اولنه رق فدائك كونس و طولودن محافظه ايدلمسى و فدان بر قارش
ارتفاعنه واصل اولمق ايچون آلتى ماهدن برسنيه قدر بر مدته محتاج اولديغندن
بو مدت ظرفنده چور و تيمه جك صورتده على العاده صولانمى اقتضا ايدر »

كماله واصل اولان فيدهلر ك ترلايه صورت نقل و غرسى

فيدهلر ك يردن بر قارش ارتفاع كسب ايدلكرنده ترلايه نقل اولنور . ترلايام شتاده
قراغيدن مصون وهواسى معتدل بر محله بولمق و كمال اعتنا ايله درينجه ايشلنمش
اولمق لازم كليز فيدهلر ايلك و صوك بهارده قابل اولدينى قدر ياغمورلى هولرده نقل
اولنورلر . و بعضاً فيدهلر بر آرشون بوى حاصل ايدنجه يه قدر يرلرنده براغيلوب اندن
سكره (حوالق) و (طنب) تعبير اولنور بيوك اغاجلر سايه سنده بولنان يرلره غرس
اولمق اوزره طوپراقلريله برابر چيقاريلور و اولجه ايكي آرشون عمقنده ويكديكر-
ندن يديشر آرشون فاصلهلى اچلمش بولنه جق چقورلره غرس ايديلورلر .

غرس عملياتى غايت دقتله اجرا اولنور رق فدائلك نه كوكن و نه دهه داللى قرلما-
مليدر هر دليكه ايكي قيه قويون كوبره سى قونيله رق يكرمى سائتمرو ثخننده اين
طوپراق ايله اورتيلور و فدائلكر يكدىكرندن بر چاريك پارمق فاصلهلى اولمق اوزره
هر دليكه اوچ عدد غرس ايديلهرك ديبلرى اياقلا باصديريلوب و هر دليكه اون
قيه صو ايله صولانيلور و بعده بولنردن هر هانكي سى دها قوتلى كوريلور ايسه ابقا
ايله ديكرلرى چيقاريلوب آتيلير .

ياخود ابتدا فيدهلك بولندينى محل صولانوب بعده بش اون يكرمى عددى
بردن طوپراغيله برابر چيقاريله رق اولجه كوزلجه قازلمش اولان ورطوبتلى بولنان
محله نقل و غرس و ايكي كون سكره سقى ايديلور . غرس ايديلور كن ترلايه چامور
بولمى مضر در بوسورتله غرس اولنان فدائلكر كونسدن محافظه سى اقتضا ايتمز-
سده صورت دائمه ده اطرافنده كى اولنردن و قايه ايدلمسى بهر فدائلك اره سنده
ايكي اوچ مترو قدر مسافه براقلمسى و طوپراغلك ياش طوتلمسى و كوكلرينك
(طنب) اغاجندن ماعدا اغاجلر كوكلريله و حتى يكدىكريله قارشامسى اقتضا ايدر .

بوصورتله غرس ایدیلان فدانلرك اره لرنده كه اوتلری صورت دائمده چیقاره
رق ترلای رطوبتلی طوتمق واطراقده اقرار صو واریسه هر اون بش ویاکرمی
کونده بر صولامق لازمدر .

آنحق بعض محللار وخصوصیه وادی کنارلری ذاتاً رطوبتدن خالی اولمداقلرندن
بوکی محللارك درجه رطوبتلی نظر دقنه انه رق اكا كوره سقی اولمیدر زیرا
لزومندن فضله زیاده صو ویریلورسه قهوه کولرینه مضر اولوب بوندن طولای
یاپراقلری صرارمغه باشلار بوصورتله ترلایه غرس اولنان فدانلر ایکی وبعضاً اوچ
سنه صکره چیچك وثمره ویرمکه باشلار. اقرار صوی بولنان بر محلك هوا سیله حسن
امتزاج ایدر لك بر طرفدن چیچك آچمده دوام ایدر و دیگر طرفدن کاله کلان
محصول طولانیلور . یمنده اکثر محللرده سنه ده بر قاچ دفعه محصول آلتورسده
صوسر محللرده انحق بر کره محصول آلتور .

قهوه آغاجی بلاد حارده اون بش یکر می سنه یشار ویاپراقلرینی دوکمز وبلاد
بارده ده آلتش سنه یشایه رق بعده حاصلاتی تدنی به باشلایه جغندن اولوقت هر آغاجی
طوبراقدن یکر می سائتمزه یوقاریسندن قطع ایتمیدر که تکرار سورسون. حرارتی
اوتوزبشدن زیاده اولان یرلرده قهوه اغاجلرینك اره لرینه اولدجه یوکسلوراشجار
غیر مثمره یاخود طناب اغاجلری غرس ایله کواکه حاصل ایتمک وطولونك مضرتی
دفع ایلک ایجاب ایدر انحق اقرار صو اولیان محللرده بو اغاجلرك کولگری بر برینه
قاریشوب بوایسه مضر اوله جغندن غرسنه لزوم یوقدر.

یمیده قهوه آغاجی اصل حجاز تعبیر اولنور سلسله جبالده یتشمیوت سلسله
مذکوره یه متصل تهامه وادیلری ایله اراسنده کی جبال متوسطه ده حصوله کلیر .
اك زیاده محصول ویرن حراز قضاسی اولوب بوندن قهوه وادی اتکلرینه زرع
اولنه رق اقرار صو اولان یرلردن هر سنه محصول النورسده اقرار صو اولیان محللرده
یاغمور یاغماز ایسه ایکی اوچ سنه ده بر محصول النمده در، حراز قضاسنك نفس
مناخه قصبه سنده طریق عام اولان محلدن یوقاری کاهل و شیم و مناخه علیا نام
محللرده قهوه حصوله کلیوب وادی اتکلرنده حاصل اولور .

قهوه فدائرينك غرسى ايچون اراضينك صورت اتخاني

بطاقلق چوق كرچلى وكيلى اراضى قهوه اغاجلرينه هيچ بر وقت الويرشلى دكلدر بواناج ازطاشلى طوپراق ومناسب برحرارت استرلر . قوراق يرلره نسبتله رطوبتلى محللرده قهوه فدائلىر دها كوزل نشوونما بولورلر شايد بر كره يابس يرلره ديكلمش ايسه لر بونلرك تكرار صولاق يرلره نقلى هر حالده قورومسلىرى موجب اوله جفندن حالى اوزره ترك ايتكم انسبدر.

ايرىلى اوقاقل طاشلر ايله مخلوط اولان عموماً قرمزى طوپراقلر قهوه اغاجى غرسنه اك الويرشلىدر. فقط محال يابسه ده قرمزى وقوملى، چاقلدن عارى درين طوپراقلر اصلا الويرشلى دكلدر بو طوپراقلر غايت جابوق قورر .

قرمزى وقوملى چاقلدن عارى ودرين وطول مدت ييوسسته معروض بر طوپراقده قهوه فدائلىر غرس اولندينى حالده طوپراغى هر وقت رطوبتلى طومتق ايچون صرملر بيننه اراقده موز اغاجلى غرسى مناسبدر. قهوه لككر اووالرده بك كوزك تشكيل اولنه بيلور بو حالده اراضينك اسقاسى ايچون نهردن صوالته بيله جك محل نظر دفته النلى يعنى قهوه لككر صوصالوييرلك ايچون هر خطدن صورت متساويه مسافده بر صويولى آجيله رق قوراقلق زمانده هيچ اولمازسه سكزكونده بر اسقا اولنملىدر.

قهوه تخمك ديار آخره صورت نقلى

بالاده بيان اولندينى وجهله تخملىق قهوه قزارارق كماله كلديكندن قرمزى قيوغى برابر طوپلانيلوب اوزرندن يالكز قرمزى قيوق التقدن صكره كول ايله اوفه ديله رق اون بش كون كول ايچنده قوريديلور . بعده محكم تنكه لره وضع ايله هوا الميه جق صورتده كوزل لهملتور بوسورتله قهوه تخمى ايكي سنه بوزلمقسزين برآ وبجراً استيلاً محله ارسال اولنه بيلور . كوندرلديكى محله وصولنده تنكه دن اخراج ايله درحال زرع ايدلملىدر انجق حار اولان محللردن النان تخمك كذلك حار محللرده وبارداولان يرلردن كتر ديلانلرينك برودتلى محللرده زرع ايدلمسى وچونكه

قهوه کماله کلدکه طاتلی اولان قبوغنی طیور اکل ایتدکلرندن تخمقل ایچون قوشلرک
غاغلدقلری دانه لرینک تفریق ایدیلرک کول ایلر اوفالاندقندن صکره کونش کورمیان
بر اوطه ده قوریدلمسی لازمدر .

تخم بالاده کوسترلدیکی اوزره هر نرده حاصل اولورسه اولسون استنلدیکی محله
نقل اولنه ییلورسه ده تازه فدائلر بلاد حاره و بحر احمر دن کچوریلور ایکن حرارته
متحمل اولدقلری جهته قوروپه جغندن نقل اولنه مازلر .

قهوه نك صورت حصادی و عمومیتله استعمال اولندیغی حاله

کتیرلمك اوزه اصول تطهیریه سی

قهوه حصادی بتون سنه دوام ایدر مع مافیه یمنده باشلوجه موسمی شهر تشرین
اول و ثانیدر اکساده اصوک حصادایسه اغاجلری سیلنکرک دوکیلان اولمش میوه لری
چارشافلر دروننده طویلادقندن صکره حصرلر اوزرینه سره رک قوریدلمقدن عبارت
ایسه ده بو اصول هنوز کماله ایرمامش اولان میوه لر ایلر چیچکلرک دخی دوکلمسی
احتماله مبنی ایی دکلدر. یمن قطعه سنده جاری اولان اصوله کوره قهوه اوچ آیاقلی
مردیوانلر واسطه سیله اغاجلردن طویلانیلوب قورودلدقندن صکره قبوغندن قولایلقه
تفریق ایدلمك ایچون اوزرینه بر مقدار صو سرپیلرک ال دکرمانلرنده اوکودیلور
و صکره قابوردن کچیرلمك صورتیه دانه لر قبوقلردن بالتفریق محل تجارتیه سوق
اولنور بعض محللرده دخی زنجیلر هر کون قهوه اغاجلری آره سنده طولاشه رق
کماله ایرمش اولانلری طویلایوب سیتلر دروننه ییغارلر بوندن صکره قهوه یی
قبوقلردن آیرمق عملیاتی قالیرکه بونك ایچون ده بشقه بشقه اصوللر جاریدر .

بو اصوللردن بری ایجابنجه دانه لری قبوقلردن آیرمق ایچون اوزرلردن آغاج
ویا خود دمیردن غایت آغیر بر سیلندیر کزدیرلدکدن صکره صاووریلور بعده
قوریدیلور. دیگر اصول ایسه قهوه یی اتلی اولان قالین قبوغندن آیروب دانه یی یالکنز
ایچ قبوغیله بر اقمق ایچون محصول اولا بردکرمانده اوکودلمك ثانیاً کونشده قورودلمق
صورتیه بواچ قبوغندن ده تفریقندن عبارتدر. ایشته الک ایی اصول بودر .

طاو لاق تعبير اولنان اصول دخی! قهوه اغاجی میوه سنی بر مدت صویه
باتیروب بعده کونشده قور و تمقدر که بویولده استحصال اولنان قهوه عادی و کول
رنکنده اولور.

همان هریرده بوایش حقنده ال ایله کوریلان خدمتله موجب استفاده بر صورتده
ماکنه لره ایفا ایتدیرلمکده در.

بر دوئم اراضیدن آله جق قهوه محصولنک مقداری

قهوه هر سنه بر سیاق اوزره محصول ویرمیوب ایکی سنه ده بر کلیتوجه و دیگر سنه لرده
جز ویتله حاصلات ویرر. بر دوئم اراضی نهایت قرق قدر قهوه اغاجی استیعاب
ایده رک صولاق و وادی بولنان اراضیدن فیض و برکت اولان اولان سنه لرده بهر اغاجدن
تقریباً بش قیه قبوقلی قهوه النور شو حالد. قرق اغاجلی بر دوئم اراضیدن ایکیوز
قیه قهوه النورق بهر قیه سی اوز غروشه حسابیله قیمتی ایکی بیک غروشه بالغ اولور
وادی و اقلار صو بولنمیوبده یا غموردن باشقه بر صورتله قابل اسقا اولمیان اراضیده
بهر اغاجدن اوچ قیه مقداری قهوه آلتوب بو حسابجه قرق اغاجدن یعنی بر دوئم
اراضیدن یوز یکرمی قیه قبوقلی قهوه حاصل و بونک بدلی بیک ایکی یوز غروشه
واصل اولور. قوه انباتیه سی فوق العاده بولنان محللرده بونک ایکی مثلی نسبتده
حاصلات آلتور.

بالاده ذکر و تصریح اولندیغی اوزره اقلار صولر التنده بولنان قهوه لکلردن
سنوی ایکی دفعه دخی محصول الیه بیلور.

